


“Jau emprend gugent, perquai vi jau vegnir magistra”.



Anna, ti has otg onns e vas en la 3. classa. Nua es ti da chasa?

Jau stun a Madagascar. Nus avain in bain puril. Là vivan mes frar, mes geniturs e tat e tatta. Enturn chasa hai grondas plantas da mango.

Tge fas ti en il temp liber ?

Il pli gugent giog jau cun mias amias. Nus giugain twist da gumma e “parvis ed enfiern”.

Has ti da gidar a chasa ?

Gea, mes frar ed jau gidain da far las lavurs da mintga di. Nus bagnain las plantinas, zerclain l’iert, scudain il ris e giain per aua. Jau gid da far la laschiva e mes frar cuschina gugent.

Vas ti gugent a scola ?

Gea, jau emprend gugent. Matematica, religiun ed englais èn mes roms preferids.

Discurris vus englais a Madagascar ?

Na, nus discurren madagasc. Il linguatg dal pajais è franzos. Ma jau hai spezialmain gugent englais. Pli tard vi jau daventar magistra.

Blers uffants da Madagascar na van betg a scola.

Pertge?

Blers geniturs n’han betg avunda daners per pajar la scola. Ils uffants ston lavurar e gudagnar. Els n’han betg temp per ir a scola.

Pertge pos ti ir a scola ?

Mes geniturs tutgan tar ina grupp da spargn. Quella ha ina cassa communabla. Mintga commember paja ina pitschna contribuziun emnila.. Quella dovran mes geniturs per pajar la scola

Anna, nus giavischain a tai bler cletg per il futur !

1.Tge nizzegia quai ad Anna, d’emprender matematica ed englais en scola ?

2. Pertge na van blers uffants da Madagascar betg a scola?

3. Tge profitescha la famiglia d’Anna da la

“Gruppa da spargn” ?
